

Մաշտոցի Արձագանգ

Հայաստանեայց Եկեղեցուց Սուրբ Յակոբ Կիրակցորեայ Դպրոցի ամսաթերթ
Յունուար 2009 (ԺԶ տարի թիվ 5)

Այս թիւով՝

Փոխան Խմբագրականի՝ Էջ 2

Պարզութեան մեծութիւնը

Բացատրական բառարան Էջ 3-5

Ճրագալոյց, Ջրօրհնէք, Աստուածայայտնութիւն, Ս. Գրիգոր Աստուածաբան, Ս. Աթանաս Աղեքսանդրիացի, Ս. Վահան Գողթնացի

Տաղ Սուրբ Ծննդեան, Խորհուրդ մեծ
Էջ 6

Եկեղեցական բառարան: Էջ 7

Ի՞նչ կը նշանակէ Ծէս, Կիրակի, Հոգեհանգիստ

Մաղթերգ՝ Հայաստանեայց Եկեղեցուց Կիրակցորեայ Դպրոցներու
Էջ 8-9

Վերաբաղ Էջ 10-11

Յիսուս Քրիստոսի Ծննդեան Աւետում, Յիսուս Քրիստոսի Ծնունդը Խաղերու բաժին
Էջ 12-15

Յիսուսի Ծնունդը

Յիսուսի Տաճար ընծայումը

Եզակի գիրեր:


Ո՞րն է ճիշդ պատասխանը: Էջ 16-19

Հայաստանեայց Եկեղեցուց Կիրակցորեայ Դպրոցներու 80-Ամեակ 1929 - 2009:

Էջ 20

Քրիստոս

Ծնաւ եւ Յայտնեցաւ
Չեզի եւ Մեզի Մեծ Աւետիս



Մկրտութիւն

Յովնաթան Յովնաթանեան

Ամսուան Համարը

«Նոյն պահուն, երբ Յիսուս ջուրէն դուրս կ'ելլէր, տեսաւ երկինքը բացուած եւ Աստուծոյ Հոգին՝ որ աղաւնիի նման կ'իջնէր իր վրայ: Երկինքէն ձայն մը լսուեցաւ որ կ'ըսէր.

- Դո՛ւն ես իմ սիրելի Որդիս, որուն ես հաճեցայ:» Մարկոս 1.10-11

Հաւատք

Կրօն

Եկեղեցի

Լեզու

Մշակույթ

Փոխան Խմբագրականի

Պարզութեան մեծութիւնը

Մեր Տիրոջ՝ Յիսուս Քրիստոսի ծննդեան դրուագի այնքան նկարագեղ անտարանական պատումին մէջ ամենէն յատկանշական եւ գրաւիչ գիծերէն մէկն է պարզութեան, աղքատութեան, համեստութեան այն երեւոյթը, որ ծննդեան պատմութեան կու տայ բացառապէս խորհրդալի եւ վեհիմաստ նշանակութիւն մը եւ նկարագիր մը:

Աստուած իր բնութեանը մէջ ընմբռնուած է ՊԱՐԶՈՒԹԵԱՆ ստորագելիով: Ամէն ինչ որ իրմէ կը ճառագայթէ, սիրոյ ճաճանշումով, պա՛րզ է եւ պարզութեանը մէջ գեղեցի՛կ: Սէրը, իսկական, վաւերական սէրը պարզ է, այսինքն ճառագայթում բարութեան, ծառայութեան՝ անստուեր, անխառն, անսակարկ: Ծջմարտութիւնը, աստուածաբուխ իր բնութեանը մէջ, պարզ է. երբ հանդիպիս անոր, ամէն ինչ շինջ է, խաղաղ ու բերկրալի հոգիիդ մէջ: Գեղեցկութիւնը, պարզութեա՛ն եւ այլազանութեան շրջագիծէն ներս ներդաշնակութեա՛ն մէջ ունի իր աղբիւրը:

Մարդ էակն է որ յաճախ այդ պարզութիւնը կը մթագնէ զոն երթալով այնպիսի ճաշակներու եւ ձգտումներու, որոնք իր բնութեանէն եւ կոչումէն չեն բխիր, արուեստական են, կեղծ, խաբուսիկ, բայց յաճախ ու արտաքնապէս գրաւիչ: Մա՛րդն է որ յաճախ անհրաժեշտով չի գոհանար եւ կ'երթայ աւելորդին, վայելուչ ու պարզահիւս գեղեցկութեամբ չի յագեցնար, կամ կը ձանձրանայ, եւ կ'երթայ տարօրինակին, յաճախ այլանդակութեան, որ հովի եւ փոփոխի կեանք ունի: Մարդուն համար յաճախ բնական հաճելին կարծես բաւարար չի նկատուիր. կը մղուի երթալ անճոռնիին հասնող նորաձեւութեանց՝ որոնք արեւին պէս ամէն օր կը ծագին ու կը մարին այս աշխարհի երկու ծայրամասերուն վրայ, արեւելք ու արեւմուտք անուններով բնորոշուած: ...Դա՛րձ դէպի պարզութիւն եւ բնականութիւն: Խուսափէ՛ արուեստական կենցաղակերպերէ, որոնք աւելորդ տարրերով կը բեռնաւորեն քեզ եւ կը խճողեն կեանքդ: Մերժէ՛ բնականութեան սահմաններէն անդին անցնող եւ կեանքիդ պարզութիւնն ու խաղաղութիւնը խանգարող շոպչութիւնները եւ երջանկութիւնդ խափանող հաճոյապաշտութիւնները: Աշխարհը մեզ կը փորձէ եւ փորձանքի կը մատնէ եթէ տեղի տանք անոր: Աստուած աղքատ ծնաւ իր մարմնեղ էն գոյառումին մէջ, որպէսզի հարստացնէ մարդը հոգեկա՛ն հարստութեամբ: Մենք մեր նիւթեղ էն հարստութեամբը չաղքատացնենք զԱստուած մեր կեանքին մէջ այնպիսի ապրելակերպով որ դառնայ այլամերժ ու վատահաղորդ սիրոյն ու բարիքին եւ ըլլայ դիւրընկալ հաճոյքին, շահին ու շոպչին, սնամէջ արժէքներու, որոնք կրնան շատ դիւրաւ մեզ առաջնորդել դէպի հոգեկան եւ ազգային սնանկութիւն: Հեո՛ւ՛ մնացիր քու աստուածային պատկերն ու հայկական կնիքդ աղարտել փորձող ու գառան մորթ հագնող գալլերէն. մի՛ դառնար սիրամարգ. եղիր սիրոյ մարդ՝ մարդասէր եւ աշխարհաշէն:

Գարեգին Բ. Կաթողիկոս
«Անժամանակը ժամանակին մէջ»
Անթիլիաս 1989

«Մաշտոցի Արձագանգ»
Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ
Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի
կամաւոր խմբակը
Վերժին Գիւպթանճեան, Թամար Գիզիրեան, Գարոլ Մանուկեան, Յասմիկ Նաճարեան,
Շողիկ Նաճարեան, Յասմիկ Գանաճեան, Շաղիկ Պոյաճեան, Թորոս Պապիկեան

Յունուար ամսուան բացատրական տօնացոյց

- Եշ. 1 Ամանոր
- Բշ. 5 Ծրագալոյց Սուրբ Ծննդեան
- Գշ. 6 Ս. ԾՆՈՒՆԴ - Աստուածայայտնութիւն
- Դշ. 7 Յիշատակ Մեռելոց
- Գշ. 13 Տօն Անուանակոչութեան Յիսուսի Քրիստոսի
- Եշ. 15 Տօն Ծննդեան Յովհաննէս Մկրտիչի
- Շբթ. 24 Սուրբ հայրապետներու Աթանասի, Գրիգոր Աստուածաբանին
- Բշ. 26 Ս. Վահան Գողթնացիի
- Շբթ. 31 Ս. Իսահակ Պարթեւ հայրապետին

Ծրագալոյց

Այսպէս կը կոչուի Աստուածայայտնութեան եւ Զատիկի տօներուն նախորդող երեկոյան արարողութիւնը: Անունը ծագեր է «ծրագ լուցանել (վառել)» արտայայտութենէն, որովհետեւ եկեղեցոյ մէջ երեկոյեան բազմաթիւ լապտերներ ու կանթեղներ կը վառին եւ պատարագ կը մատուցուի, որուն ընթացքին բոլոր հաւատացեալները վառող մոմեր կը բռնեն:

Ծրագալոյցի լապտերներու եւ մոմերու լոյսը կը խորհրդանշէ այն հոգեւոր լոյսի ճառագայթումը մեր մէջ, որ մեզի պարգեւեց Փրկիչը իր տնօրհնութիւններով:

Զրօրհնէք

Այս արարողութիւնը հաստատուած է ի յիշատակ Քրիստոսի մկրտութեան: Այն կը կատարուի Աստուածայայտնութեան տօնին:

Հին ժամանակ ջրօրհնէքը կը կատարուէր գետերու կամ լիճերու ափին, իսկ այժմ՝ եկեղեցոյ մէջ: Պատարագի աւարտին քահանան յատուկ ընթերցուածքներով, քարոզէն եւ աղօթքէն յետոյ խաչով կ'օրհնէ մեծ տակառի մէջ լեցուած ջուրը, որ կը բաժնուի հաւատացեալներուն՝ իբրեւ սրբութեան խորհրդանիշ եւ բժշկութեան միջոց:

Աստուածայայտնութիւն (Սուրբ Ծնունդ եւ Մկրտութիւն)

Մեր Տէր Յիսուս Քրիստոսի առաջին տնօրհնութիւնները, որոնցմով Ան յայտնուեցաւ աշխարհին (Գաբրիէլ հրեշտակապետի աւետումը, Յիսուս Մանուկին ծնունդը, ութնօրեայ թլփատութիւնը, հովիւներու եւ մոգերու երկրպագութիւնը, քառասնօրեայ ընծայումը, ինչպէս նաեւ Յորդանան գետին մէջ մկրտուիլը եւ այլն) առաջին դարերուն կը տօնուէին միեւնոյն, Աստուածայայտնութիւն կոչուող մեծ տօնախմբական շրջանին:

Հետագային այս տօնի գրեթէ բոլոր յիշատակները առանձնացան՝ տարուայ մէջ բաժնուելով ըստ համապատասխան ամիսներու եւ օրերու: Մնացին միայն Ծնունդը եւ Մկրտութիւնը, որոնք ըստ Աւետարանին կատարուէր են նոյն օրը՝ երբ Յիսուս 30 տարեկան էր: Ըստ աւանդութեան այդ օրը Յունուար 6ն էր:

Աւելի ուշ, Ե. դարուն (451 թուին Քաղկեդոնի մէջ գումարուած չորրորդ Տիեզերական ժողովին որուն հայաստանեայց Եկեղեցին չմասնակցեցաւ) Յունական-Հռովմէական եկեղեցին, Ծննդեան տօնը եւս անջատեց Մկրտութենէն եւ սկսաւ տօնել Դեկտեմբեր 25 ին (մոռցնել տալու համար այդ օրուան արեւի պաշտամունքի սովորութիւնը եւրոպայի մէջ) որ տարածում գտաւ ամբողջ աշխարհին մէջ: Սակայն Հայ Եկեղեցին հաւատարիմ մնաց հնագոյն աւանդութեան եւ մինչեւ այսօր Քրիստոսի ծննդեան եւ մկրտութեան յիշատակը միացեալ կը տօնէ Յունուար 6-ին՝ Աստուածայայտնութիւն անուանումով:

Գրիգոր Աստուածաբան (330 - 390)

Տիեզերական վարդապետ, իր ծննդավայրի անունով կը կոչուի նաեւ Գրիգոր Նազիանզացի: Ան ծնաւ իր մօր աղօթքներով, որ արու զաւակ չունէր եւ այդ կը խնդրէր Աստուծմէ: Գրիգորը ուսանեցաւ Կեսարիոյ, Պաղեստինի, Աղեքսանդրիոյ եւ Աթէնքի մէջ ստանալով փիլիսոփայական եւ հռետորական կրթութիւն: Աթէնքի մէջ անոր ընկերակիցն էր Բարսեղ Կեսարացին, եւ երկուքը մարդոց ուշադրութիւնը կը գրաւէին իրենց ժուժկալութեամբ եւ ճգնութեամբ հիացմունք պատճառելով քաղաքի բնակիչներուն: 361 թուականին քահանայ ձեռնադրուելով՝ ան դարձաւ Նազիանզի եկեղեցոյ Առաջնորդը: Իսկ 381 թուականին նշանակուեցաւ Կոստանդնուպոլսոյ Եպիսկոպոս: Ան մասնակցեցաւ Բ. Տիեզերական ժողովին 381 ին Կոստանդնուպոլսոյ մէջ:



Ս. Գրիգոր Աստուածաբան
Երեւան, ձեռ. 7478 էջ 41ա, Յայսմաուրբ
XVI-XVII դդ., ծաղկող՝ Թորոս



Ս. Աթանաս Աղեքսանդրիացի
Երեւան, ձեռ. 7478 էջ 28բ, Յայսմաուրբ
XVI-XVII դդ., ծաղկող՝ Թորոս

Աթանաս Աղեքսանդրիացի (295 - 373)

Ս. Աթանաս ծներ է Եգիպտոսի Աղեքսանդրիա քաղաքին մէջ: Ծագումով Եգիպտացի էր, եւ փոքր հասակէն իր ծնողները զինք նուիրեր էին Աստուծոյ ծառայութեան: Իր մանկութենէն ունէր յառաջադէմ միտք եւ առաքինի վարք, որ Աղեքսանդրիոյ հայրապետը զինք դարձուց իր նոտարը եւ ապա սարկաւագ ձեռնադրեց: Ան Հայրապետին հետ մասնակցեցաւ 325 ի Նիկիոյ Տիեզերական ժողովին: Ս. Աթանաս ունեցաւ իր ներդրումը այդ ժողովի ընթացքին գրուած դաւանանքը: Ս. Աթանաս իր դաւանաբանական երկերով Ս. Գրիգոր Աստուածաբանը իրաւամբ զայն կը կոչէ Տիեզերական Եկեղեցոյ սիւներէն մին:



Հովիւներուն երկրպագութիւնը



Յիշատակութիւն Սուրբ Վահան Գողթնացիի Յունուար 26

Արաբական տիրապետութեան շրջանին, բազմաթիւ հայ իշխաններ ու անոնց զաւակները գերի տարուեցան Դամասկոս հոն կրթուելու համար իսլամական հաւատքի մէջ ու արաբ դառնալու համար: Տարագրուող մանուկներու կարգին կը գտնուէր Գողթնի Խոսրով իշխանի որդին, չորս տարեկան Վահանը: Արաբները անոր անունը փոխելով զայն կոչեցին Վահայ:

Վահան, իր ուշիմութեան շնորհիւ արժանացաւ յատուկ խնամքի ու դարձաւ Օմար ամիրապետին նախասիրած արքունի պաշտօնեան:

Յովհան Օձնեցի կաթողիկոս իր Դամասկոս այցելութեան ընթացքին արտօնութիւն խնդրեց Օմար ամիրապետէն որ հայ տարագիր իշխանները վերադառնան հայրենիք ու յաջողեցաւ ձեռք ձգել այդպիսի արտօնութիւն: Վահան որ թէեւ իսլամ կրօնքին մէջ մեծցած էր, իմացած էր թէ ինք հայ Իշխանի մը որդին էր: Հետեւաբար, ինք եւս փափաքեցաւ վերադառնալ Հայաստան, խոստանալով ամիրապետին վերադառնալ Դամասկոս իր հօրենական կալուածները ժառանգելէ ու հայրենի հողը տեսնելէ անմիջապէս ետք:

Վահան իր հայրենի գաւառը հասնելէ ետք տեղեկացաւ Օմար ամիրապետին մահուան մասին ու որոշեց մնալ Հայաստան ու վերագտնել իր քրիստոնեայ հաւատքը:

Վահանի քրիստոնեայ դառնալու լուրը երբ Դամասկոս հասաւ, օրուան ամիրապետը որոշեց ձերբակալել զայն ու դատել: Ու այսպիսով սկիզբ առաւ հալածանքի երկար շրջան մը ուր Վահան, թափառելով Հայաստանի զանազան կողմերը, ժամանակաւոր կերպով

կ'ապաստանէր զանազան շրջաններու վանքերէն ներս ապա կը ստիպուէր տեղափոխուիլ չվտանգելու համար տեղի վանականներն ու բնակիչները: Այս թափառական վիճակի վերջին հանգրուանը հանդիսացաւ Սիփան լեռան ստորոտը գտնուող Երաշխատրաց վանքը, որուն մեծաւոր Հայր Արտաւազդը պատսպարեց ու քաջալերեց զինք:

Գիտնալով հանդերձ թէ իսլամութենէն հրաժարող անձը մահուամբ կը պատժուէր, Վահան որոշեց ներկայանալ Հեղամ ամիրապետին, յայտնել անոր իր քրիստոնեայ ծագումը ու քրիստոնեայ հաւատքին հաւատարիմ մնալու փափաքը: Ամիրապետին մեծ խոստումները ապարդիւն մնացին ու Վահան մերժեց որեւէ ձեւով հրաժարիլ իր քրիստոնեայ հաւատքէն:

Վահան Գողթնացիի նահատակութիւնը այլ օրինակ մըն է հերոսական կեցուածքի մը ըստ որուն քրիստոնեայ հաւատացեալներ հաստատուն մնացած են իրենց հաւատքին հանդէպ ու մերժած ուրանալ զայն: Անոնց յիշատակը վառ կը մնայ միայն երբ իրենց նահատակութիւնը արժեւորենք մենք եւս կառչած մնալով մեր հաւատքին ու ապրելով իբր Քրիստոսի սիրով ու հաւատքով շնորհուած հաւատացեալներ:

Գողթն գաւառը կը գտնուի Նախիջեւանի մէջ որ ներկայիս Ատրպէյճանի տիրապետութեան տակ է: Անոր քաղաքներէն են Տիգրանաւան եւ Ագուլիս :



Տաղ Սուրբ Ծննդեան

Այսօր տօն է սուրբ ծննդեան, անտի՛ս
Տեառըն մերոյ եւ յայտնութեան,
անտի՛ս:

Այսօր Արեւն արդարութեան, անտի՛ս.
Երեւեցաւ ի մէջ մարդկան, անտի՛ս:

Քրիստոս ծընաւ եւ յայտնեցաւ:

Այսօր սուրբ կոյսն անապական,
անտի՛ս

Ծընաւ եբեր զանմահ Արքայն,
անտի՛ս:

Այսօր հրեշտակք յերկնից իջեալ,
անտի՛ս.

Ընդ մեզ օրհնեն զանմահ Արքայն,
անտի՛ս:

Քրիստոս Ծընաւ եւ յայտնեցաւ:

Խորհուրդ մեծ

Ո՛վ չի գիտեր Սուրբ Ծնունդի մասին գրուած ամենաճանօթ այս շարականը որ կը հնչէ ամէն տարի խթման գիշերը անտելու համար Յիսուսի ծնունդը: Այս շարականին հեղինակն է Մովսէս Քերթող Հայրապետ որ զայն գրած է 441 թուականին: Ահա այդ շարականին բառերը գրաբար եւ անոնց թարգմանութիւնը՝ աշխարհաբար:

Խորհուրդ մեծ եւ սքանչելի
որ յայսմ անոր յայտնեցաւ.
Հովիւք երգեն ընդ հրեշտակս
տան անտիս աշխարհի:

Ծնաւ նոր արքայ
ի Բեթղեհեմ քաղաքի.
Որդիք մարդկան օրհնեցէք,
զի վասն մեր մարմնացաւ:

Անբաւելին երկնի եւ երկրի
ի խանձարուրս պատեցաւ.
Ոչ մեկնելով ի Հօրէ
ի սուրբ այրին բազմեցաւ:

□□□□□□□□

Սքանչելի եւ մեծ խորհուրդ է,
որ այսօր յայտնուեցաւ.
Հովիւները հրեշտակներու հետ կ'երգեն,
աշխարհին անտիս կու տան:

Ծնաւ նոր արքայ
Բեթղեհեմ քաղաքին մէջ.
Ով ժողովուրդ, մարդիկ, օրհնութիւն տուէք
որովհետեւ Ան մեզի համար մարմնացաւ:

Երկնքին եւ երկրին վրայ Անբաւելին խանձ
արուրներու մէջ փաթթուեցաւ.
Առանց բաժնուած ըլլալու Հօրմէն,
սուրբ մտորին մէջ բազմեցաւ:

Եկեղեցական բառարան

Ծ **ծ**
ԾԷս

Եկեղեցւոյ մէջ կատարուած աստուածապաշտութիւնը կը գործադրուի ըստ աւանդաբար սահմանուած կարգի, համապատասխան ձեւերով ու շարժումներով, հագուստներով եւ առարկաներով, որոնց ամբողջութիւնը կը կոչուի ծէս կամ ծիսակատարութիւն: Ծէսը կարելի չէ բաժնել աստուածապաշտութեան խորհուրդէն՝ զայն համարելով սոսկ արտաքին ձեւ եւ հանդէս: Ծիսական առարկաները, զգեստները, արարողութեան եղանակները իրենց հիմը ունին Աստուածաշունչի եւ աստուածապաշտութեան էութեան մէջ: Բոլոր ծիսական առարկաներն ու զգեստները ունին իւրապատուկ իմաստ եւ խորհուրդ եւ օրհնուած են յատուկ արարողութեամբ եւ իբրեւ սրբութիւն՝ երբէք չեն գործածուիր ոեւէ այլ նպատակով:

Կ **կ**
Կիրակի

Նախկին ժամանակներուն ան կը կոչուէր Մէկշաբթի: Քրիստոս այդ օրը յարութիւն առած ըլլալով Մէկշաբթին ստացաւ նոր իմաստ եւ անուն՝ Կիրակի որ յունարէն կը նշանակէ Տէրունական: Ինչպէս գիտենք, Յիսուսի յարութեան 50րդ օրը հանդիպող Կիրակի օրը Հոգեգալուստը տեղի ունեցաւ երբ քրիստոնէաները նորոգուեցան եւ ճաշակեցին երկնային կեանքի բարիքները:

Այսպէս, Կիրակին դարձաւ անհամեմատ մեծ եւ կարելոր օր, որ կը խորհրդանշէ ապագայ յաւիտեանական խաղաղութիւնը: Այս պատճառով, Եկեղեցւոյ համար վերածուեցաւ կենցաղի հոգերէն հանգստանալու եւ ամբողջ ուրիշ Աստուծոյ նուիրուելու օրուայ, ինչպէս հրեաներու համար Ծաբաթն էր: Առաջին քրիստոնէաները կը հաւաքուէին ամէն

Կիրակի եւ միասին կը ճաշէին «սիրոյ ճաշ»: Այս հաւաքոյթները ժամանակի ընթացքին զարգացան եւ վերածուեցան Կիրակի օրերու պատարագի արարողութեան, իսկ սիրոյ ճաշը վերածուեցաւ այսօրուան «մաս»ին: Ըստ սուրբ վարդապետներու Յիսուսի երկրորդ գալուստը տեղի պիտի ունենայ Կիրակի օր մը:

Հ **հ**
Հոգեհանգիստ

Այսպէս կը կոչուի Քրիստոսով ննջած, այսինքն քրիստոնէական հաւատքով ապրած եւ մահացած հոգիներու համար կատարուող աղօթքի կարգը որ սահմանուած է սուրբ հայրերու կողմէ: Ննջեցեալները չեն մոռցուիր հաւատացեալներու աղօթքներու եւ խնդրուածքներու մէջ որովհետեւ անոնց հոգիները կենդանի են եւ կը շարունակեն Եկեղեցւոյ անդամները մնալ երկինքի մէջ «կը կոչուին Յաղթական Եկեղեցի ճիշդ ինչպէս որ այս աշխարհին վրայ գտնուող հաւատացեալները կը կոչուին Զինուորեալ Եկեղեցի»: Անոնց յիշատակը պահելը ոչ թէ արտաքին յարգանքի տուրք է այլ անոնց հետ անտեսանելի, սակայն իրական հաղորդակցութեան վկայութիւն: Հոգեհանգստեան աղօթքներու միջոցաւ ննջեցեալի հոգիին փրկութեան համար խնդրելով, քրիստոնէան կ'արտայայտէ իր սէրը անոր հանդէպ ինչպէս նաեւ կ'ամրապնդէ իր հաւատքը հանդերձեալ կեանքի նկատմամբ: Հոգեհանգստեան արարողութիւնը սովորաբար կը կատարուի Ս. պատարագէն ետք սակայն անկախ է անկէ եւ կրնայ կատարուիլ նաեւ այլ ժամանակ:

Մաղթերգ
Հայաստանեայց Եկեղեցույ Կիրակնօրեայ Դպրոցներու

Խօսք՝ Կարապետ Փափագեան

Կիրակնօրեայ Սուրբ յարկին
Մենք սաներն ենք լուսաբաղձ,
Կայծերու պէս լուսածին
Ցայտած՝ սրտէն պերճ նախնեաց:
Ուստի քալենք անխրոով,
Ո՛վ հարազատ զարմ արի,
Հաւատաւոր գընացքով՝
Լոյս-աղբիւրին ցանկալի:

Եկեղեցին սրբազգեաց՝
Փառանգ անգին, հրաշափառ,
Մեր խոյանքին վերասլաց
Թափն է խիզախ բոցավառ.
Հայ մըշկահոտ սրբութեան
Բոյրովն օժած մեր հոգին,
Մեր երթին մէջ յաղթական՝
Թումբերն ամէն պիտ' փըշրի՛ն:

Կէցցե՛ն յաւերժ, անսասան,
Հիմնադիր եւ բարերար,
Կիրակնօրեայ լուսոյ տան
Ջահակիրներ վեհափառ:
Հնչեցէ՛ք յար, ծնծղանե՛ր
Մեր սրտերուն ցնծագին,
Որ վառ մընայ դարեր դեռ՝
Սրբաճանչ Հայ հոգին...:

Մաղթերգ Հայաստանեայց Եկեղեցւոյ Կիրակնօրեայ Դպրոցներու

Երաժշտութիւն՝ Յակոբ Նալպանտեան

Չափաւոր

PIANO

5

9

13

Fine

Վերաքաղ

Յիսուս Քրիստոսի Ծննդեան աւետումը

Մարիամ Աստուածածին

Նազարէթ փոքրիկ քաղաքին մէջ կ'ապրէին արդար ու պարկեշտ ամուսիններ՝ Յովակիմն ու Աննան: Յովակիմը մեծ ու հարուստ մարդ էր Դաւիթ թագաւորի տոհմէն, իսկ Աննան համեստ ու ազնիւ կին մըն էր: Անոնք երկար տարիներ երեխայ չէին ունենար: Երբ արդէն տարիքով բաւական մեծ էին Աստուած անոնց աղջիկ երեխայ պարգեւեց զոր անուանեցին Մարիամ:

Յովակիմն ու Աննան որոշեցին իրենց դուստրը ընծայել տաճարին: Երբ Մարիամը դարձաւ երեք տարեկան, ծնողները նուէրներով եւ հանդիսաւոր ձեւով անոր տաճար տարին այնտեղ կրթուելու եւ ծառայելու: Փոքրիկ աղջիկը տաճարին մէջ կը մեծնար անբիծ աղանձի նման: Ան թել կը մանէր եւ ասեղնագործութիւն կ'ընէր: Մարիամը խելացի էր, բարի, խոնարհ եւ օրուայ մեծ մասը նուիրած էր աղօթքի եւ ընթերցանութեան: Մարիամի ծնողները շուտ մահացան, երբ ան մեծցաւ զինք նշանեցին Նազարէթի մէջ ապրող Յովսէփ անունով ատաղձագործի մը հետ:

Հրեշտակի աւետիսը

Օր մը Մարիամը տաճարի համար վարագոյր կարելու թել կը մանէր, յանկարծ յայտնուեցաւ Աստուծոյ ուղարկած Գաբրիէլ հրեշտակը եւ յայտնեց որ Մարիամը որդի մը պիտի ունենայ եւ անոր անունը պէտք է Յիսուս դնէ: Ան պիտի ըլլայ սուրբ եւ ամենազօր եւ համայն մարդկութիւնը պիտի փրկէ իրենց մեղքերէն: Այսինքն՝ ան էր այն Փրկիչը որուն մասին հին կտակարանի մարգարէները մարգարէացած էին:

Սկիզբը Մարիամը վախցաւ յետոյ զարմացաւ հրեշտակի խօսքերուն որովհետեւ ան նշանուած էր եւ դեռ ամուսնացած չէր: Սակայն հրեշտակը բացատրեց, որ Յիսուսը սովորական երեխայ պիտի չըլլար, ան պիտի ծնէր Սուրբ Հոգիէն եւ Աստուծոյ որդի պիտի կոչուէր իսկ Աստուծոյ համար անկարելի ոչինչ կար:

Գաբրիէլ հրեշտակը երեւցաւ նաեւ Մարիամի նշանածին՝ Յովսէփին: Հրեշտակը անոր պատուիրեց կնութեան առնել Մարիամը: Բարի եւ արդար Յովսէփը կատարեց այնպէս ինչպէս հրեշտակը իրեն պատուիրեց:



Մարիամի Նշանադրութիւնը



Աւետումը

Յիսուս Քրիստոսի Ծնունդը

Մարդահամարը

Մօտ երկու հազար տարի առաջ, Հռոմի Օգոստոս կայսրը որոշեց մարդահամար ընել: Իրաքանչիւր բնակիչ պարտաւոր էր երթալ իր ծննդավայրը: Յովսէփն ու Մարիամը նոյնպէս պէտք է մասնակցէին մարդահամարին: Այդ նպատակով անոնք մեկնեցան Յովսէփի ծննդավայրը՝ Բէթլեհէմ: Այդ քաղաքը շատ հեռու էր Նազարէթէն: Անոնք ստիպուած էին երկար ճամբայ երթալ: Երբ Բէթլեհէմ հասան իջեւաններուն մէջ տեղ չգտան, որովհետեւ բոլոր սենեակները գրաւուած էին: Անոնք ստիպուած իջեւանեցան քառայրի մը մէջ: Նոյն գիշերը Մարիամը որդի ունեցաւ: Երեխան խանձարուրով փաթթեցին ու մսուրի մէջ դրին: Մանուկը անուանեցին Յիսուս՝ հրեշտակին պատուելիին համաձայն:

Հովիւներու Այցը

Բէթլեհէմի շուրջը տարածուած էին կանաչ մարգագետիններ ուր հովիւներ իրենց ոչխարները կ'արածէին: Յիսուս քրիստոսի ծննդեան գիշերը անոնք երկնքին մէջ վառ լոյս տեսան: Յանկարծ յայտնուեցաւ հրեշտակը եւ ըսաւ որ մեծ ուրախութեան աւետիս կ'ուտայ իրենց, որովհետեւ Բէթլեհէմի մէջ ծնաւ Աստուծոյ որդին որ աշխարհ եկեր է մարդոց փրկութեան համար:

Հովիւները գացին եւ քառայրին մէջ գտան Մարիամը, Յովսէփը եւ մսուրին մէջ դրուած նորածին Յիսուսը: Հովիւները մօտեցան եւ խոնարհութիւն ըրին եւ պատմեցին հրեշտակի աւետիսի մասին:

Աստուած Յիսուս Քրիստոսի ծննդեան համար ոչ թէ շքեղ պալատ այլ հասարակ տեղ ընտրեց: Ան առաջ հասարակ մարդոց՝ հովիւներուն յայտնեց մանուկին ծննդեան մասին:

Մոգերու երկրպագութիւնը

Յիսուս Քրիստոսի ծնելէն ետք երկնքի մէջ մեծ եւ փայլուն աստղ մը յայտնուեցաւ որուն նմանը մարդիկ չէին տեսեր: Բէթլեհէմէն շատ հեռու կ'ապրէին երեք հարուստ եւ իմաստուն մարդիկ որոնք մոգեր կը կոչուէին: Երբ անոնք տեսան նորայայտ աստղը, հասկցան որ ծներ է մարգարէներու կանխատեսած փրկիչը: Անոնք փափաքեցան այցի երթալ սակայն չէին գիտեր ուր էր ան: Փայլուն աստղը մոգերուն առաջնորդեց այն տեղը ուր Յիսուս Քրիստոս ծներ էր: Հոն հասնելով անոնք ծունկի եկան եւ թանկարժէք նուէրներ՝ ոսկի, կնդրուկ եւ զմուռ տուին մանուկին եւ վերադարձան իրենց երկիրները:

Փախուստ դէպի Եգիպտոս

Յիսուսի ծնած երկրին մէջ կ'իշխէր Հերովդէս անունով թագաւոր մը: Մինչեւ Բէթլեհէմ հասնիլը մոգերը հիւրընկալուեցան այդ թագաւորի մօտ: Երբ ան լսեց որ Բէթլեհէմի մէջ ծներ է Փրկիչը, որուն թագաւոր կ'անուանեն, ան կարծեց թէ մանուկը զինք պիտի փոխարինէ որպէս թագաւոր եւ Հերովդէս որոշեց սպաննել Յիսուս մանուկը: Ան մոգերուն ըսաւ որ երբ գտնեն մանուկը իրեն եւս տեղեկացնեն որպէսզի ինքն ալ այցելէ անոր: Սակայն Հերովդէս սուտ կը խօսէր, ան այս ձեւով կ'ուզէր գտնել եւ սպաննել Յիսուս մանուկը:

Գիշերը հրեշտակը երեցաւ մոգերուն զգուշացուց զանոնք չայտնելու Յիսուս մանուկի գտնուած վայրը: Նոյն հրեշտակը պատուիրեց Յովսէփի որ ան Մարիամի եւ Յիսուս մանուկի հետ փախչի Եգիպտոս եւ որոշ ժամանակ այնտեղ ապրի: Յովսէփ այդպէս ըրաւ:


Երբ Հերովդէսը մահացաւ, հրեշտակը կրկին յայտնուեցաւ Յովսէփին եւ պատուիրեց վերադառնալ հայրենիք: Յովսէփ, Մարիամի եւ Յիսուս մանուկին հետ վերադարձաւ Եգիպտոսէն եւ բնակեցաւ Նազարէթ քաղաքին մէջ:

Յիսուսի Ծնունդը
Ղուկաս 2:1-21



Եկուր Բէթլեհէմ երթանք եւ տեսնենք պատահա՞ծը, այն ինչ որ Տէրը մեզի յայտնեց:

Օգնէ հովիւներուն որ գտնեն Յիսուս մանուկը:



Տուն մը: Մէջէն կրնանք անցնիլ եւ յառաջանալ:



Միայլ մանուկ մը: Ետ դարձէք:



Մէկը որ ձեզի ճամբան ցոյց կուտայ: Յառաջացիր



Յիսուսի Տաճար Ընծայումը
Ղուկաս 2:22-38

Յովսէփն ու Մարիամը մանուկ Յիսուսը Երուսաղէմ տարին Տիրոջ ընծայելու: Հոն էր նաեւ Փանուէլի աղջիկը՝ Աննա մարգարէուհին, որ Աստուծոյ ցեղէն էր: Տաճարէն չէր հեռանար, այլ գիշեր ու ցերեկ ծոմապահութեամբ եւ աղօթքով անցնելով՝ զԱստուած կը պաշտէր: Արդ ինք ալ նոյն ժամուն գալով

տուաւ _____ :
1 2 3 4 5 6 7 8 9 10 11 12 13 14

Իւրաքանչիւր թիւի համապատասխան հարցումին համար շրջանակի մէջ առ ճիշդ կամ սխալ սինակի գիրը, եւ զայն վերի գծիկներուն մէջ գրելով գտիր պատասխանը:

Ի՞նչ ըրաւ Մարգարէուհին՝

1 - Յիսուս մանուկը տարին Երուսաղէմ

2 - Յիսուս տարին մանուկ բժիշկին

3 - Յիսուս ներկայացուցին Մովսէսին

4 – Մարիամ եւ Յովսէփ Յիսուսը ընծայեցին Տիրոջ

5 – Սիմոն տաճարին մէջ տատրակ կը ծախէր

6 – Սիմոն գիրկը առաւ մանուկ Յիսուսը

7 – Յիսուս եւ իր ծնողքը վերադարձան Անտիոք

8 – Սուրբ ընտանիքը կառքով ճամբորդեց

9 – Տաճարին մէջ էր նաեւ Աննա մարգարէուհին

10 – Մարիամ, Յովսէփ եւ Յիսուս վերադարձան Նազարէթ

11 – Սիմոն օրհնեց Սուրբ Ընտանիքը

12 – Աննա երիտասարդ մարգարէուհի մըն էր

13 – Աննա տխրեցաւ երբ մանուկը տեսաւ

14 – Ան մանուկին մասին կը խօսէր

Ճիշդ	Սխալ
գ	ա
բ	ն
գ	հ
ո	դ
ե	ւ
թ	զ
է	ի
ը	լ
ն	թ
Տ	ժ
ի	ւ
լ	ր
խ	ո
ջ	ծ

Յիսուսի Տաճար ընծայումը
Ղուկաս 2:22-38

Արդար եւ աստուածավախ մարդ մը կ'ապրէր Երուսաղէմի մէջ: Սուրբ Հոգին վստահեցուցած էր զինք Տիրոջ Օծեալը չտեսած պիտի չմեռներ: Սուրբ Հոգիէն առաջնորդուած՝ անիկա տաճար գնաց երբ Մարիամ եւ Յովսէփ մանուկ Յիսուսը տաճար բերին Տիրոջ ընծայելու համար:



Ո՞վ էր այդ մարդը:

Անունը գտիր գիրերու շարքէն պակսող գիրը գրելով

չ	ւյ	ջ	ռ	վ		ս
թ	ժ	լ	խ	ծ		
ճ	յ	ն	շ	ո		
ն	շ	չ	ւյ	ջ		
ճ	մ	յ	շ	ո		

Ան գիրկը առաւ փոքրիկը եւ զԱստուած

ա	բ	դ	ե	զ		գ
մ	յ	ն	շ	չ		
խ	ծ	կ	ձ	ղ		
օ	ֆ	բ	գ	դ		
ա	գ	դ	ե	զ		
օ	ֆ	բ	գ	դ		
ճ	մ	յ	շ	ո		
գ	դ	զ	է	ը		
տ	ր	ւ	փ	ք		

Ո՞րն է ճիշդ պատասխանը Դեկտեմբեր ամսուան պատասխանները

Մանկապարտեզի անկիւն

հովիւներ, հրեշտակը, աւետիս, Փրկիչը, Օծեալ, խանձարուրով, խաղաղութի՞ն, հաճութիւն

Նախակրթարան Ա. Բ. Գ. անկիւն

1. ա. Յունուար 6
2. բ. Բեթլեհէմ
3. գ. Հերովդէս
4. բ. Հրեշտակները իրենց լուր տուին
5. Մարիամ
6. ա. Երկնքին մէջ աստղը տեսան
7. բ. Ոսկի, կնդրուկ եւ զմուս
8. գ. Եգիպտոս
9. Նագարէթ
10. Միտոն

Նախակրթարան Դ. Ե. Զ. անկիւն

1. բ. Ս. Ստեփանոս Գալատիացի
2. ա. Ս. Յակոբ Մծբնայ հայրապետ
3. բ. ոչ
4. դ. Առաքելներուն գործերը
5. Աբգար
6. Խաչվառ
7. 23
8. Յունիս 2008 Անթիլիաս, Սեպտեմբեր 2008 էջմիածին
9. լոյս, խաւար

10. 2009

Երկրորդականի անկիւն

1. բ. Ս. Ստեփանոս
2. դ. Որոտման որդի Ս. Յակոբ
3. ա. 325 Նիկիա բ. 381
Կոստանդնուպոլիս գ. 431 Եփեսոս դ. 451
Քաղկեդոն
4. ա. Հայր բ. Որդի գ. Ս. Հոգի դ. Եկեղեցի ե. Մկրտութիւն գ. Ապաշխարութեամբ մեղքերու թողութիւն, է. Մեռելոց Յարութիւն ը. Վերջին դատաստան թ. Երկինքի թագաւորութիւն ժ. Յաիտենական Կեանք
5. Եկեղեցի
6. ա. Մի բ. Սուրբ գ. Ընդհանրական դ. Առաքելական
7. ա. Զինուորեալ բ. Յաղթական Անդրանկաց ժողով
8. ա. Յիսուս բ. Մկրտութիւն, Դրոշմ, Ապաշխարութիւն, Հաղորդութիւն, Պսակ կամ ամուսնութիւն, Զեռնադրութիւն, Կարգ Հիւանդաց կամ վերջին Օծում
9. Վերստին Ծնունդ
10. օծեալներ կամ կնքուածներ

Եզակի գիրեր

Հայերէն գիրերով Sudoku

ը	թ	դ	գ	ե	զ	է	բ	ա
ե	զ	զ	ա	բ	է	դ	թ	ը
ա	բ	է	դ	թ	ը	ե	զ	գ
զ	ը	ա	բ	է	դ	գ	ե	թ
բ	զ	ե	թ	ա	զ	ը	է	դ
դ	է	թ	գ	ը	ե	ա	զ	բ
թ	դ	զ	ե	գ	ա	բ	ը	է
է	ե	բ	ը	դ	թ	զ	ա	գ
գ	ա	ը	է	զ	բ	թ	դ	ե

Նախորդ «Եզակի գիրեր» ուն լուծումը

Ամբողջացուր քառակուսիները գործածելով ա, բ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Ե		Գ				Զ	Ա	
		Դ	Թ	Զ		Ե	Ը	
			Ե		Ա			
			Է	Դ				Զ
	Ը	Թ				Է	Գ	
Զ					Բ			
			Դ		Զ			
	Բ	Զ		Ե	Թ	Դ		
	Գ	Ե				Թ		Ը

Ո՛րն է ճիշդ պատասխանը
Մանկապարտեզի անկիւն



Հայաստանեայց Եկեղեցույ Կիրակնօրեայ Դպրոցները
հիմնուեցաւ ---- թուականին եւ 2009-ին կը տօնէ իր -- ամեակը

Ամբողջացո՛ւր ըստ Մատթէոսի Աւետարանին 2.9-12

հրահանգը, աստղը, առաջնորդեց, երկրպագեցին, ոսկի, կնդրուկ, զմուռս, երազի

Թագաւորին այս ----- լսելէ ետք, մոգերը մեկնեցան:
Անոնք չափազանց ուրախացան, երբ կրկին տեսան այն -----, որ
արեւելքի մէջ տեսեր էին. Եւ ահա աստղը ----- զիրենք մինչեւ
որ եկաւ ու կեցաւ այն վայրին վրայ ուր երեխան կը գտնուէր: Երբ տուն
մտան, տեսան երեխան իր մօրը՝ Մարիամին հետ, եւ մինչեւ գետին
խոնարհելով ----- մանուկին: Ապա բացին իրենց արկղերը
եւ Յիսուսի ընծայեցին իրենց նուէրները՝ -----,
եւ -----:

Յետոյ ուրիշ ճամբով գացին իրենց երկիրը, առանց Հերովդէսի
հանդիպելու, ինչպէս որ Աստուած ----- մը մէջ հրահանգեց
իրենց:

Ո՞րն է ճիշդ պատասխանը

Նախակրթարան Ա. Բ. եւ Գ. դասարաններու անկիւն

1. Ո՞ր օրը որոշուեցաւ Յիսուս Մանուկին անունը:

- Ա.- Յունուար 6
- Բ.- Յունուար 1
- Գ.- Յունուար 13
- Դ.- Դեկտեմբեր 25

2. Ի՞նչ կը կոչենք Յիսուս Մանուկին անունին տօնը:

-

3. Յիսուս ո՞ր օրը մկրտուեցաւ:

- Ա.- Յունուար 6
- Բ.- Յունուար 1
- Գ.- Յունուար 13
- Դ.- Դեկտեմբեր 25

4. Յիսուս ինչո՞վ մկրտուեցաւ:

- Ա.- Ջէթ
- Բ.- Ջուր
- Գ.- Միւռոն
- Դ.- Իւղ

5. Յիսուս որո՞ւ կողմէ մկրտուեցաւ:

- Ա.- Տէր Հօր
- Բ.- Յովհաննէս Մկրտիչին
- Գ.- Վարդապետին
- Դ.- Քահանայապետին

6. Ի՞նչ կը կոչենք Ծնունդին նախորդող երեկոն:

- Ա.- Ջատիկ:
- Բ.- Ջրօրհնէք:
- Գ.- Խթում:
- Դ.- Բարեկենդան:
- 7. Ե՞րբ տեղի կ'ունենայ Ջրօրհնէքը:

- Ա.- Յունուար 6 ի պատարագէն ետք
- Բ.- Յունուար 5 ի երեկոյեան
- Գ.- Ջատիկին
- Դ.- Ծաղկազարդին

8. Ե՞րբ տեղի կ'ունենայ Ծրագալոյցը:

- Ա.- Յունուար 6 ի պատարագէն ետք
- Բ.- Յունուար 5 ի երեկոյեան
- Գ.- Բուն Բարեկենդանին
- Դ.- Ծաղկազարդին

9. Այս տարի երբ պիտի տօնենք Յովհաննէս Մկրտիչին ծննդեան տօնը:

- Ա.- Երկուշաբթի՝ Յունուար 19
- Բ.- Չորեքշաբթի՝ Յունուար 14
- Գ.- Ծաբաթ՝ Յունուար 17
- Դ.- Հինգշաբթի՝ Յունուար 15

10. Յիսուսի յարութենէն առաջ, Կիրակի օրը ի՞նչ կը կոչուէր:

- Ա.- Ծաբաթ
- Բ.- Երկուշաբթի
- Գ.- Հինգշաբթի
- Դ.- Մէկշաբթի

Ո՞րն է ճիշդ պատասխանը
Նախակրթարան Դ. Ե. եւ Զ. դասարաններու անկիւն

1. Յիսուսի Անուանակոչութիւնը անշարժ տօն մըն է: Ամէն տարի ե՞րբ կը տօնենք Յիսուսի անուանակոչութիւնը:

- Ա.- Յունուար 6
- Բ.- Յունուար 1
- Գ.- Յունուար 13
- Դ.- Դեկտեմբեր 25

2. Մոգերը ի՞նչ նուիրեցին Յիսուս Մանուկին:

- Ա.- Ո---
- Բ.- --դ----
- Գ.- Զ-ու--

3. Ո՞վ էր հրէաստանի թագաւորը երբ Յիսուս ծնաւ:

4. Ո՞վ էր Հոռոմի կայսրը երբ Յիսուս ծնաւ:

5. Հինգ տաղաւարներէն ո՞ր մէկը անշարժ տօն մըն է:

- Ա.- Ս. Ծնունդ
- Բ.- Ս. Յարութիւն
- Գ.- Պայծառակերպութիւն կամ Այլակերպութիւն
- Դ.- Ս. Աստուածածնի վերափոխում
- Ե. Խաչվերաց

6. Ս. Հոգին որո՞ւ վստահեցուցած էր թէ Տիրոջը օծեալը չտեսած պիտի չմեռնէր: (Պատասխանը գտնելու համար լուծէ՛ էջ 14-ի խաղը)

7. Որո՞նք էին Մարիամ Աստուածածնի ծնողները:

- Ա.- Յովակիմ եւ Աննա
- Բ.- Սիմոն եւ Աննա
- Գ.- Փանուէլ եւ Մարթա
- Դ.- Յովակիմ եւ Եղիսափէթ

8. Յիսուսի յարութեանէն ետք իր հետեւորդները ամէն Կիրակի օր կը հաւաքուէին եւ միասին կը ճաշէին: Այսօր այդ ճաշը ինչի՞ր վերածուած է:

9. Յիսուսի մկրտութեան ընթացքին, Սուրբ Հոգին ինչի՞ր կերպարանքով իջաւ Յիսուսի վրայ:

10. Ամբողջացո՞ւր ըստ Մարկոս 1.11-ին,
Երկինքէն ձայն մը լսուեցաւ որ կ'ըսէր.

Ո՞րն է ճիշդ պատասխանը
Երկրորդականի անկիւն

1. Անոնք որոնք Ս. Ծնունդը կը տօնեն
Դեկտեմբեր 25ի-ն, ե՞րբ կը տօնեն
մկրտութիւնը:
Ա.- Յունուար 6
Բ.- Յունուար 1
Գ.- Յունուար 13
Դ.- Դեկտեմբեր 25

2. Արեւմտեան Եւրոպայի քրիստոնէաները
ե՞րբ փոխեցին Ս. Ծննդեան տօնը Յունուար
6 Էն Դեկտեմբեր 25 ին:
Ա.- 325 Նիկիոյ ժողովին
Բ.- 451 Քաղկեդոնի ժողովին
Գ.- 381 Կոստանդնուպոլսոյ ժողովին
Դ.- 431 Եփեսոսի ժողովին

3. Հայաստանեայց Եկեղեցին ի՞նչ կը տօնէ
Դեկտեմբեր 25-ին:

Ս. Ս----- Ն-----

4. Գրէ շիտակ ժամանակագրական
շարքով հետեւեալ տօները: Ս. Ծնունդ,
Անուանակոչութիւն, Յովհաննու Կարապետ,
Ս. Սարգիս, Ղեւոնդեանց, Վարդանանց,
Բուն Բարեկենդան
Ա.-
Բ.-
Գ.-
Դ.-
Ե.-
Զ.-
Է.-

5. Գրէ՛ շիտակ ժամանակագրական
շարքով Հինգ տաղաւարները. Ս. Ծնունդ,
Ս. Յարութիւն, Պայծառակերպութիւն
կամ Այլակերպութիւն, Ս. Աստուածածնի
վերափոխում, Խաչվերաց
Ա.-
Բ.-
Գ.-
Դ.-
Ե.-

6. 2009 տարին Հայաստանեայց Եկեղեցւոյ
Կիրակնօրեայ Դպրոցներու քանի՞երորդ
ամեակն է:

7. Ս. Գրիգոր Աստուածաբան ո՞ր
տիեզերական ժողովին մասնակցեցաւ: Ո՛ր
եւ ե՞րբ:

8. Ս. Աթանաս Աղեքսանդրիացի ո՞ր
տիեզերական ժողովին մասնակցեցաւ: Ո՛ր
եւ ե՞րբ:

9. Ո՞վ էր վերջին մարգարէն: Այս տարի
ե՞րբ կը յիշատակենք անոր ծնունդը:

Ա. -----
Բ. Յունուար --

10. Հոգեհանգիստը ո՞ր Եկեղեցւոյ
անդամներուն համար կ'ըլլայ:

Հայաստանեայց Եկեղեցւոյ Կիրակնօրեայ Դպրոցներ

80-Ամեակ

1929-2009

«Մաշտոցի Արձագանգ»ը կ'ողջունէ Հայաստանեայց Եկեղեցւոյ Կիրակնօրեայ Դպրոցները իր հիմնադրութեան 80-Ամեակին առիթով:

Փառք կու տանք Աստուծոյ որ մեր ազգին շնորհեց այս օրհնաբեր շարժումը:

Երախտագիտական զգացումներով կը վերակոչենք յիշատակը Մեծի Տանն Կիլիկիոյ Երջանկայիշատակ Սահակ Բ. Խապայեան Կաթողիկոսին, որուն նախաձեռնութեամբ հիմնուեցաւ Հայաստանեայց Եկեղեցւոյ Կիրակնօրեայ Դպրոցները:

Մեր յաջորդող թիւերով պիտի անդրադառնանք Կիրակնօրեայ Դպրոցին մասին, եւ մասնաւորապէս անոր մուտքին Հայաստանեայց Եկեղեցւոյ ծիրէն ներս: Այս թիւով կը բաւականանք ներկայացնելով Հայաստանեայց Եկեղեցւոյ Կիրակնօրեայ Դպրոցներու նշանաբանը՝

«Զգեցէք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է Աստուծոյ արքայութիւնը:»
Մարկոս **10.14**:

եւ մաղթերգը (Խօսք՝ էջ 8, Երաժշտութիւն՝ էջ 9)

www.sourphagop.org/mashdots